



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

Lippeloo, Zacharias

Coloniae Agrippinæ, 1603

Vita S. Bvrchardi Episcopi Herbipolensis: Ex ea quæ est per Egiluardum monachum cœnobij sancti Burchardi, proè Herbipolim. Consecratus est Episcopus à Zacharia Papa, Sedit annis 40. Obijt anno ...

urn:nbn:de:hbz:466:1-42787

runt'. Hodie autem vnus missus est, qui dixit: Reducite eum, quia Fortunatus Episcopus in domum eius venit. Quibus verbis expletis, mox ex infirmitate conualuit, & in hac vita diutiùs mansit.

VITA S. BURCHARDI EPISCOPI

Herbipolensis: Ex ea qua est per Egiluardum monachum cœnobij sancti Burchardi, prohb Herbipolim. Consecratus est Episcopus à Zacharia Papa. Sedit annis 40. Obijt anno Domini 791.

Tesse C. Baron in Not. ad Martyr. Roman. Vide & Tomo 9. Anal. 14. Octob.

Præclarum genus S. Burchardi.

Traditur literis.

Omnia relinquit propter Christum.

DV M nouella Anglorum Ecclesia Gregorij Pontificis studijs meritisque geminare inciperet, eadem in insula nobiles nobilissimi Burchardi parentes mirifice quoque efflorebant. Qui animi magnitudine & ingenij fœlicitate præcellens, præcellens suæ prosapiæ genealogiam haudquaquam passus est morum suorum nebulis obscurari. Cum enim à religiosis parentibus literarum studijs imbuendus fuisset traditus, puerilibus leuitatibus excelso & virili planè animo reiectis, carnalis illecebris per assidua orationis & vigiliarum studia calcatis, breui ad tãtam mortuam honestatem adoleuit, vt nihil in se caducum nihil terrenum habere videretur. Cum verò pes & delicias patriæ, magno sibi ad vitæ perfectionem impedimento esse cerneret, spreto generis claritate, cunctisque fumantis mundi nebulis spiritu consilij & fortitudinis ab animo depulsis, relicto natali solo, periculoso mari fluctus transfretauit, atque in Gallijs all-

quandiu sub peregrini habitu, futuram inqui-
rens patriam delituit.

Ijs temporibus VVinfridus Angliæ indige-
na, bonis ex factis suis mutato nomine p Gre-
gorium Papam Bonifacius nūcupatus, legatus
Apostolicus in partes Germaniæ destinatus,
nobilisque Moguntia metropolitanae Archie-
piscopus, egregijs & admirandis planè virtu-
tum fulgebat meritis. Ad quem Burchardus sa-
cerdotio iam initiatus vt accessit, non modo
peramanter ab eo exceptus, & benignè habitus
fuit: sed & Romam pariter, propter vitæ san-
ctitatem, morumque, qui in eo candidissimo
re lucebant, splendorem, perductus: ibidem-
que à S. Pontifice Herbipolensis consecratus
antistes, vt Orientales Francos & vitæ suæ in-
tegritate & Christiana facundia ad Christum
conuerteret.

*Venit ad S.
Bonifacium
Apostolum
Germanorū,
cuius vita
habetur 14.
Maij.*

*Constituitur
Episcopus
Herbipolen-
sis.*

Qui vbi se speculatorem domus Israel in
Ecclesiæ turri positum conspexit, sedula cor-
dis anxietate cœpit meditari, qualiter sibi cō-
missas Dominicas oves verbo Dei pasceret, &
in omni fidelis prudentisq; dispensatoris cura
tam se q̄ Christi familiam regeret. Itaque elo-
quio valdè mitis, vultu venerabūdus & affabi-
lis, in vigilijs & sacris lectionib. assidius in e-
leemosynis benignus, prouidus in cōsilijs, mo-
ribusq; compositus, creditas sibi oves sollicitè
pauit, cunctosq; sua humilitate ad egregia pie-
tatis officia deduxit. Pastoralis eius virga non
auro vel argento erat decorata, sed sambucea:
quæ in loco sepulturæ ad humilitatis eius me-
moriæ etiamnum asseruatur.

*Virtutes e-
ius eximia.*

*Optimè præ-
est suis.*

Porro idem vir Dei anno ordinationis suæ
P 4 secun-

*Eleuat reli-
quias SS. Ki-
liani & so-
ciorum eius,
ad quas &
monasteriū
construit: eo-
rum vita ha-
betur 8. Jul.*

*Vacat affi-
ne & contē-
platiue vite.*

*Obdormit in
Domino.*

** Virce-
burgum.*

*Locus sepul-
ture eius.*

*Miracula
ad sepulchrū
eius.*

*Teste C. Ba-
ron in Not.
ad Martyr.
Roman.*

secūdo, beatorum Martyrum Kiliani & sociorum eius venerandas reliquias miraculis illicō claras cum maximo Cleri plebisque tripudio de terrę puluere leuauit, sericisque reuerenter inuolutas, cum summo, vt decebat, honore in feretro composuit, & monasterium eodem in loco sepulturę construxit. Sed &, vt actiue vitę sollicitudinibus turbatus, deindē ad pedes Iesu refugium haberet, construxit in arcto procliui montis & allapsu Mœni fluminis, cœnobium in honorē Dēi genitricis & S. Andree Apostoli, quod prædiorum quantitate ad victum vestitumq; duodecim Fratrum Canoniorum, Deo ibidem militantium, necessaria liberaliter dotauit. Quibus virtutum insignibus cū apud homines & Deum maximē clarus, annos quadraginta pondus diei & ætus in vinea Domini Sabaoth strenuē portasset, ac sibi Megingaudum virum pientissimum substituisset, tandem in castello, quod Hohenburg dicitur, Dominicis præmonitus sacramentis foeliciter migravit ad Christum: Indē verō omni veneratione, confluentibus vndique fidelium turmis, vnicē dilecti patris decessum lamērantibus, in ciuitatem sedis suę * Herbipolim delatus, in Monasterio beatorum martyrum Kiliani sociorumque eius, iuxta eorum sacras reliquias conditus est: præclaris sanitarum miraculis admodum ibidem celebris.

VITA VENERABILIS DOMINICI Loricati: Ex ea quę est per Petrum Damiani ad Alexandrum Papam. Floruit circa annum Domini millesimum quinquagesimum.

DOMI-